



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the BiH

GODINA: XII

BROJ: 199

DATUM: 20.3.2015. GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Savez potpisao Sporazum o partnerstvu sa Misijom OSCE-a u BiH

Bosanska Krpa dobiva Centar za podršku inovacijama

Vesna Travljanin, direktorica Saveza u intervjuu za portal Bljesak

Ne treba podržati nacrt Zakona o premjeru i registraciji nekretnina

Općina Kakanj izdvojila 360.000 KM za kupovinu novih kamiona za odvoz smeća

Općina Srebrenik jedina iz BiH odabrala za partnerstvo u projektu Horizon

Održan sastanak fokus grupe za izradu Analize potreba za obukom

U Tuzli održan sastanak o unapređenju lokalnog razvoja

NAJAVA 12. sastanka Aquasana mreže u BiH

NAJAVA obilježavanja dana općina za mjesec april / travanj

Bilten Saveza općina i gradova Federacije Bosne i Hercegovine

SAVEZ POTPISAO SPORAZUM O PARTNERSTVU SA MISIJOM OSCE-a U BIH

Savez općina i gradova Federacije BiH potpisao je jučer (12. marta/ožujka) sa Misijom OSCE-a u Bosni i Hercegovini sporazum o partnerstvu.

Ovaj sporazum predstavlja dio projekta AMCS – "Podrška savezima opština/općina i gradova" koji se implementira od juna/lipnja 2013. godine, kojem je cilj jačanje saradnje između saveza općina i gradova i jedinica lokalne samouprave, a primarno sa općinskim vijećima.

„Cilj koji smo sebi zacrtali u radnoj grupi, a koji smo uspjeli dobrim

dijelom i napraviti, je probuditi svijest kod predsjedavajućih i tajnika općinskih vijeća da je Savez općina i gradova FBiH i njihovih predstavnika, a ne samo općinskih načelnika kako je to do sada glasilo. Oni žele, a isto tako moraju sudjelovati u radu Saveza. Ono što je najbitnije je koristiti mehanizme koji se preko Saveza mogu učinkovitije koristiti u smislu inicijativa i prijedloga prema višim instancama, a isto tako ukazivati na probleme koje tište njihove lokalne zajednice kako bi se kroz zakonske i druge regulative što kvalitetnije riješili,“ kazao je Miroslav Lucić, član Radne grupe za provođenje projekta.

Sekretar Općinskog vijeća Ilidža, Azreta Grebović istakla je, kako je Projekat omogućio povezivanje i saradnju općina i gradova u FBiH, kao i saradnju između općina FBiH i RS. "Organizovanjem konferencija predsjednika i sekretara, u okviru ovog Projekta, savezi općina i gradova su postali predstavnici vijeća i skupština opština. Projektom na web stranicama saveza su postavljene informacije o vijećima sa bazom kontakata predsjedavajućih i sekretara, čime su stvorene pretpostavke za brzu komunikaciju i saradnju, a pogotovo zbog činjenice da u FBiH nemamo Ministarstvo za lokalnu samoupravu. Projekat je omogućio razmjenu dobrih praksi između vijeća u svakodnevnom radu,“ kazala je Grebović.



BOSANSKA KRPA DOBIVA CENTAR ZA PODRŠKU INOVACIJAMA

Razvojna agencija USK u okviru EU projekta "Razvoj inovacija i privlačenje investicija u USK – BINOVA" privodi kraju rekonstrukciju i adaptaciju objekta u kojem će se nalaziti Centar za podršku inovacijama (BSC centar), a koja će biti završena u narednih 60 dana. Projekt "Razvoj inovacija i privlačenje investicija u USK – BINOVA" implementira RA USK, a partneri na projektu su Vlada USK, Općina Bosanska Krpa, Tehnički fakultet Univerziteta u Bihacu i PLOD centar, dok su preostale općine sa područja USK pridruženi članovi projekta. Ukupna vrijednost projekta je 1.224.779,86 KM.

Generalni cilj projekta je stimulirati ekonomski rasti i novo zapošljavanje u USK kroz poboljšanje operativnog okvira za sektor MSP u USK i poboljšanje poslovnog okruženja kroz bolju infrastrukturu. Specifični cilj projekta je unaprijediti poslovno okruženje i povećati konkurentnost lokalne privrede u USK kroz razvoj poslovne infrastrukture, te uspostavu i razvoj BSC centra putem kojeg će se pružati podrška MSP sektoru u USK.





Grb Općine Bosanska Krupa

**KORISNI LINKOVI ZA
PREDPRISTUPNE FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Činjenica je da se općinama konstantno prenose nadležnosti koje ne prate i sredstva za njihovu realizaciju, što se radi i bez konsultacija Saveza. Treba istaknuti kako i onda kada se te konsultacije provedu, to predstavlja više zadovoljavanje forme nego uvažavanje mišljenja. Savez pokušava to ispraviti i vjerujemo kako će nam vlast koja dolazi pomoći u tome.

Planirano trajanje projektnih aktivnosti je 25 mjeseci, odnosno do januara 2016. godine, a nakon završetka projekta BSC centar će nastaviti sa pružanjem podrške preduzećima, uglavnom u metaloprerađivačkom, drvnom i IT sektoru.

BSC centar će pružati dvije grupe usluga, i to tehničku podršku poduzetništvu i programe stručnog usavršavanja radne snage prema stvarnim potrebama privrede. BSC centar će pružati čitav niz programa podrške malom i srednjem poduzetništvu koji će biti bazirani na znanju, savremenim tehnologijama, suradnji sa ključnim akterima u lokalnoj zajednici i stvarnim tržišnim potrebama.

BSC centar će se uspostaviti u poslovnoj zoni "Pilana" u Bosanskoj Krupi u prostoru od cca 700 m², koji će biti adaptiran i opremljen najsavremenijom opremom. Rekonstrukcija i adaptacija objekta u kojem će se nalaziti BSC centar su u završnoj fazi.

Završetak radova na rekonstrukciji i adaptaciji objekta je planiran za sredinu aprila 2015. godine, a nakon toga slijedi njegovo opremanje, dok će BSC centar u punom kapacitetu biti stavljen u funkciju krajem maja 2015. godine.

**VESNA TRAVLJANIN, DIREKTORICA SAVEZA U INTERVJU ZA PORTAL BLJESAK**

Bljesak.info, 17. mart/ožujak – Savez općina i gradova Federacije Bosne i Hercegovine je na sjednici Predsjedništva u Čitluku održanoj 4. ožujka 2015. godine najavio pokretanje tužbe protiv Federacije BiH zbog činjenice kako je 80 općina u Federaciji BiH samo u 2013. godini oštećeno za 18,2 milijuna KM po osnovi otplate duga prema MMF-u.

S direktoricom Saveza općina i gradova Federacije BiH Vesnom Travljanin razgovaramo o tim aktivnostima, ali i radu Saveza šire, što on konkretno čini i može pridonijeti kako bi se ukazalo na sve lošiji položaj jedinica lokalne samouprave, kojima više razine vlasti prenose nove nadležnosti, stvarajući im obveze, ali ne i izvore prihoda iz kojih bi se one financirale.

"Predsjedništvo Saveza općina i gradova Federacije BiH je na više sjednica razmatralo položaj jedinica lokalne samouprave u vezi sa aranžmanom sa MMF-om. Pri tome je odlučeno i konstatirano da općine neizravno vraćaju dug, a da nisu korisnici tih sredstava. Stoga je Savez općina i gradova Federacije BiH angažirao odvjetnika koji će ga zastupati po spomenutom pitanju, koji je i uputio opomenu pred tužbu predsjedniku Federacije BiH, premijeru Federacije BiH kao i federalnom ministru financija", rekla je na početku razgovora Vesna Travljanin.



Vesna Travljanin, direktorica Saveza

Očekujete li od nove parlamentarne većine i novog čelnštva Federacije BiH bolju suradnju i partnerski odnos sa SOGFBiH, a ne mačehinski kakav je bio u proteklom razdoblju?

Vesna Travljanin: Svakako da očekujemo. Ističem da smo sa, još uvijek aktuelnom Vladom Federacije BiH potpisali Sporazum o suradnji i Kodeks o međupravnom odnosima. Nažalost, suradnja je završila sa potpisivanjem ovih dokumenata. Imamo usuglašen tekst Sporazuma s Parlamentom Federacije BiH iz 2013. godine koji još čeka na potpisivanje. Istaknula bih da nismo zadovoljni sa razinom ostvarene suradnje. Od novog, kako izvršnog tako i zakonodavnog, rukovodstva Federacije BiH očekujemo mnogo više razumijevanja za potrebe lokalnog nivoa vlasti i samog Saveza.

Koliko je Savez općina i gradova Republike Srpske u povoljnijem položaju u odnosu na Vas i na Federaciju BiH s obzirom da u Vladi RS vaše kolege imaju partnera u Ministarstvu lokalne samouprave?

Vesna Travljanin: Nisam sigurna da su u povoljnijem položaju, iako bi ministarstvo na federalnom nivou nesumnjivo olakšalo i višestruko ubrzalo komunikaciju što bi, između ostalog, rezultiralo pravovremenim upoznavanjem izvršne vlasti sa problemima i potrebama lokalnih

Gledajte Savez općina i gradova
Federacije Bosne i Hercegovine na



zajednica. Napominjem da je u Republici Srpskoj došlo do ogromne centralizacije vlasti što je druga opasnost kada je lokalna samouprava u pitanju.

Savez je na zadnjoj sjednici Predsjedništva u Čitluku prezentirao nacrt novih strateških dokumenata Saveza za period 2015. - 2019., a čiju izradu podržava Kraljevina Švedska, koja očito ima više razumijevanja za potrebe lokalne samouprave od federalne vlasti. Što će značiti ti strateški dokumenti kada se usvoje?

Vesna Travljanin: Činjenica je da Kraljevina Švedska kroz Švedsku međunarodnu razvojnu agenciju – SIDA već duže vrijeme institucionalno podržava i unapređuje rad Saveza. Kraljevina Švedska ima do 2020. godine planirane razvojne projekte u našoj regiji gdje lokalna samouprava igra veoma značajnu ulogu. Oni su naš ključni partner. Pored Švedske, članice Saveza, općine i gradovi kroz strateške dokumente podržavaju rad Saveza. Vjerujem da će se ta suradnja nastaviti i kroz podršku provedbi ovih dokumenata koji su prioritetno usmjereni ka unapređenju i jačanju položaja i statusa lokalne samouprave u Federaciji Bosne i Hercegovine.

Koje ovlasti Savezu općina i gradova Federacije BiH daje Zakon o principima lokalne samouprave u Federaciji BiH?

Vesna Travljanin: Prema rješenjima predviđenim ovim Zakonom, Savez je zakonski zastupnik svojih članica, odnosno jedinica lokalne samouprave pred vlastima u Federaciji BiH. U skladu s tim, Savez može pripremati prijedloge zakona u cilju poboljšanja zakonskog okvira koji regulira rad naših članica, štiti interese jedinica lokalne samouprave pred sudskim instancama u Federaciji BiH, vršiti edukacije itd.

Koje konkretne aktivnosti čini Savez na unapređenju lokalne samouprave u Federaciji BiH, ali i na približavanju jedinica lokalne samouprave predstojećim Europskim integracijama?

Vesna Travljanin: Činjenica je da se općinama konstantno prenose nadležnosti koje ne prate i sredstva za njihovu realizaciju, što se radi i bez konsultacija Saveza. Treba istaknuti kako i onda kada se te konsultacije provedu, to predstavlja više zadovoljavanje forme nego uvažavanje mišljenja. Savez pokušava to ispraviti i vjerujemo kako će nam vlast koja dolazi pomoći u tome. Lokalna samouprava je temelj svakog razvijenog društva i nadam se kako će to konačno i kod nas biti uvaženo od strane onih koji donose odluke, prije svega Parlament i Vlada.

Kako se financiraju aktivnosti Saveza, s obzirom da je Savez udruga?

Vesna Travljanin: Primarni izvor naših finacija predstavljaju članarine koje uplaćuju naše članice. Pored ovoga, određena sredstva dobivamo i kroz projektne aktivnosti. Naši partneri su Švedska međunarodna razvojna agencija - SIDA, Švicarska agencija za razvoj i saradnju - SDC, UNDP, OEES, Njemačko društvo za međunarodnu podršku – GIZ uz podršku otvorenog regionalnog fonda - ORF.



NE TREBA PODRŽATI NACRT ZAKONA O PREMJERU I REGISTRACIJI NEKRETNOSTI



U Općini Novi Grad Sarajevo 11. marta/ožujka održana je javna tribina o temi „Reforma propisa iz imovinsko-pravne oblasti i katastra.“ Na tribini je ukazano na činjenicu da je Nacrt federalnog zakona o premjeru i registraciji nekretnosti u sukobu sa Evropskom poveljom o lokalnoj samoupravi i članom 8. Zakona o principima lokalne samouprave.

Istaknuto je da bi se donošenjem ovog Zakona najviše štete nanijelo građanima, koji bi se za rješavanje pitanja iz imovinsko-pravne oblasti morali obraćati Kantonu, umjesto lokalnoj

zajednici koja te poslove obavlja dosta efikasnije od kantonalnih i federalnih organa. Naglašeno je da je Nacrt tog zakona posebno štetan za lokalnu samoupravu, jer svojim odredbama ukida isključive nadležnosti lokalnih samouprava, te ga na osnovu toga ne treba podržati.

Uvodničari tribine bili su Emir Bubalo, načelnik Općine Konjic i član Predsjedništva Saveza općina i gradova Federacije BiH i Jusuf Čaušević, šef Odsjeka za imovinsko-pravne poslove Općine Novi Grad Sarajevo. Tribini su prisustvovali predsjedavajući Zastupničkog doma Parlamenta FBiH Edin Mušić, federalni zastupnici Aiša Čenanović, Safet Kešo, Muharem Fišo i Dževad Hodžić, načelnik Općine Novi Grad Semir Efendić, predsjedavajuća Općinskog vijeća Novi Grad Edina Gabela, predstavnici općina u FBiH, obrazovnih ustanova, advokati, pravnici, te brojni građani.

*Po navedenom prijedlogu
Zakona federalni organ bi
imao 15 nadležnosti,
kantonalni pet, dok je
općinskom organu
ostavljena nadležnost nad
samo dvije oblasti i to
katastar podzemnih
instalacija i adresni
registar.*

“Niti u jednoj zemlji Evropske unije ovaj posao ne rade kantonalni organi, jer takvi i ne postoje, tako da se opravdanost za donošenje ovakvog zakona ne može tražiti u evropskim propisima”, istakao je Čaušević.

Načelnik Bubalo je govorio o štetnim posljedicama koje bi prouzrokovalo donošenje novog zakona, koji se u formi nacrtala nalazi u javnoj raspravi. Naglasio je da se pored oduzimanja nadležnosti iz oblasti imovinsko-pravnih odnosa, prijedlogom Zakona o premjeru i registraciji nekretnina ukidaju veoma bitne nadležnosti općinama. Po navedenom prijedlogu Zakona federalni organ bi imao 15 nadležnosti, kantonalni pet, dok je općinskom organu ostavljena nadležnost nad samo dvije oblasti i to katastar podzemnih instalacija i adresni registar.



„Odredbama Zakona o premjeru i registraciji nekretnina u FBiH, koji se u formi nacrtala nalazi u javnoj raspravi, predviđeno je da će vođenje evidencije zemljišnih knjiga umjesto nadležnih sudova preuzeti kantonalni organ uprave što omogućava politički uticaj na evidenciju prava vlasništva te na pravnu sigurnost građana. Takav zakon bi stvorio nepovjerenje građana u pravni sistem. Niti u jednoj zemlji Evropske unije ovaj posao ne rade kantonalni organi, jer takvi i ne postoje, tako da se opravdanost za donošenje ovakvog zakona ne može tražiti u evropskim propisima“, istakao je Čaušević. Naglasio je da bi se na ovaj način ukinuo zemljišnoknjižni ured koji vodi evidenciju zemljišnih knjiga (tzv. grunt), a koji u našoj zemlji postoji više od stotinu godina. Svi učesnici tribine su jasno iskazali stav da je sam Nacrt zakona u suprotnosti sa Evropskom poveljom o lokalnoj samoupravi i Zakonom o principima lokalne samouprave. Budući da su općine u našoj zemlji važni nosioci cjelokupnog razvoja društva, te da bi usvajanje ovakvog zakona imalo negativne posljedice po cijelu državu i njene građane, uvodničari i gosti tribine uputili su apel Parlamentu Federacije BiH da se ovakav Nacrt zakona o premjeru i registraciji nekretnina ne podrži, te da isti treba biti detaljno analiziran i izmijenjen, kako njegove odredbe ne bi bile na štetu građana. (<http://www.novigradsarajevo.ba>)

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINA KAKANJ IZDVOJILA 360.000 KM ZA KUPOVINU NOVIH KAMIONA ZA ODVOZ SMEĆA

Općina Kakanj i JP “Vodokom” Kakanj svakodnevno realiziraju aktivnosti na proširenju mreže sistema prikupljanja i odvoza otpada na teritoriji općine Kakanj. Jedna od aktivnosti je i nabavka vozila za odvoz smeća.

Nakon što je nedavno izvršena nabavka i predstavljanje novog višenamjenskog kamiona-kipera marke “Iveco” ukupne vrijednosti od 188.124,30 KM (sa uračunatim PDV-om) kojeg je kupila Općina Kakanj, u četvrtak, 12. marta 2015. godine, u 12:00 sati, na lokaciji Gradske deponije u Kakanju, bit će predstavljen još jedan kamion čiju je kupovinu, također, finansirala Općina Kakanj.

Radi se o kamionu - smečaru marke “Volvo” namijenjenom za sakupljanje, sabijanje i transport komunalnog otpada. Vrijednost kamiona je 175.498,83 KM (sa PDV-om).

Nabavkom ova dva kamiona stvaraju se preduslovi da se organizirano odvoženje otpada proširi na ukupno 11 novih mjesnih zajednica, uz 19 mjesnih zajednica u kojima već postoji organizirani odvoz smeća. Tako će sistem prikupljanja otpada nakon proširenja pokrivati 85 % od ukupnog broja stanovnika.


Planirano je da se narednih godina još povećava opseg odvoza otpada i da u konačnici obuhvati svih 37 kakanjskih mjesnih zajednica.



Grb Općine Kakanj



OPĆINA SREBRENİK JEDINA IZ BIH ODABRANA ZA PARTNERSTVO U PROJEKTU HORIZON



Predstavnici Općine Srebrenik na savjetovanju u Mađarskoj

U toku protekle godine, ovu općinu su u dva navrata posjetili stručnjaci sa Károly Róbert University College - Research Institute of Remote Sensing and Rural Development iz Mađarske, koji će biti nosioci velikog i značajnog projekta koji ima za cilj korištenje inovativnih tehnika u otkrivanju novih nalazišta, ispitivanja, zaštite i eksploatacije vodnih resursa, kako nadzemnih tako i podzemnih, uključujući i predupređenje eventualnih izlivanja iz vodotoka - korita rijeka i potoka a samim time i zaštitu od poplava.

U periodu od 5. - 8. marta/ožujka 2015. godine u mađarskom gradu Gyöngyös, održano je savjetovanje za učesnike u ovom projektu, a kome je prisustvovao i predstavnik općine Srebrenik. Kako je predloženo prisutnima, za potrebe snimanja, ispitivanja kapaciteta, otkrivanja novih podzemnih nalazišta i analize vodnih resursa pitke, tehničke, termalne i mineralne vode, koristiti će se najsavremenije metode koje uključuju aerijsko snimanje, bušenje, sondiranje i sl. Tako bi cijelo područje ove općine po prvi put bilo detaljno skenirano, snimljeno i obrađeno, a svi dobiveni podaci pohranjeni za daljnja korištenja i planove ove lokalne zajednice, posebno u cilju rješavanja gorućeg problema oko nedostatka pitke vode za stanovništvo kao i snabdijevanja onih dijelova općine koji u toku sušnih perioda nemaju dovoljne količine vode.

Cilj ovog projekta prekogranične saradnje jeste i razvoj inovativnih postupaka i metoda na zaštiti vodnih resursa u EU i Mediteranskim zemljama koje još nisu članice EU. Vrijednost projekta je oko 3 miliona eura, a obuhvata sljedeće zemlje: Njemačku, Mađarsku, Hrvatsku, Crnu Goru, Srbiju, Albaniju i Bosnu i Hercegovinu. Rok za prijavu projekta je sredina aprila mjeseca.



Grb Općine Srebrenik

ODRŽAN SASTANAK FOKUS GRUPE ZA IZRADU ANALIZE POTREBA ZA OBUKOM

U Sarajevu je, 19. marta/ožujka, u okviru pripremih aktivnosti oko izrade Strategije obuke za jedinice lokalne samouprave 2016. - 2020., održana fokus grupa sa gradskim i općinskim izabranim zvaničnicima (vijećnicima) i sekretarima / tajnicima općinskog vijeća na temu "Identifikacija potreba za obukom u jedinicama lokalne samouprave u FBiH". Sastanak je održan u zgradi UN-a, a organizatori su bili Savez općina i gradova Federacije Bosne i Hercegovine i UNDP kroz projekat MTS kojeg finansira Švedska razvojna agencija - Sida.



Ovaj sastanak predstavlja početni korak u sklopu pripreme Analize potreba za obukom u jedinicama lokalne samouprave u Bosni i Hercegovini, čija je svrha obezbjeđenje objektivnih i obuhvatnih informacija o potrebama za obukom gradskih i općinskih službenika i izabranih zvaničnika. Identifikovane potrebe poslužiće za definisanje prioriteta programa obuke u okviru nove Strategije obuke za JLS 2016. - 2020., kroz koju će se i dalje podržati sistemski i kontinuiran pristup jačanju kapaciteta organa jedinica lokalne samouprave i dati doprinos boljem kvalitetu usluga za građane i privredu.

U radu fokus grupe učestvovali su predsjedavajući vijeća i sekretari sedam općina, i to: Stari Grad Sarajevo, Novo Sarajevo, Ilijaš, Konjic, Jablanica, Prozor-Rama i Tomislavgrad.

Izradu analize potreba za obukom provodi Agencija za saradnju, edukaciju i razvoj - ACED, koju je angažovao UNDP putem javnog poziva.

U svrhu provedbe ove analize biće održano i više fokus grupa sa državnim službenicima na odabrane teme.



SISTEM OBUKE ZA JEDINICE
LOKALNE SAMOUPRAVE U BIH

U TUZLI ODRŽAN SASTANAK O UNAPREĐENJU LOKALNOG RAZVOJA

TUZLA, 18. mart/ožujak – Gradonačelnik Tuzle Jasmin Imamović danas je u Gradskoj upravi Grada Tuzla održao sastanak sa predstavnicima "Programa pomoći od američkog i švedskog naroda", USAID i SIDA, a teme o kojima se razgovaralo su bili planovi za implementaciju projekta unapređenja lokalnog razvoja pod nazivom "GOLD", koji se odnose na izgradnju poduzetničke zone na području grada.

Gradonačelnik Imamović je naveo da je osnovni cilj projekta otvaranje novih radnih mjesta i zapošljavanje građana, uzimajući kao primjer inkubator novih tehnologija koji ima tendenciju širenja.

Za realizaciju takvih potreba neophodno je poduzeti određene korake kojima bi se omogućilo lakše stvaranje baze koja može kreirati nova radna mjesta.

Konstatirajući da je u BiH neophodno popraviti prilike za povećanje broja radnih mjesta, gradonačelnik Imamović je iznio Prijedlog zakona o imovini Federacije, kantona, općina i gradova, kako bi se određena imovina u vlasništvu FBiH prenijela na lokalne zajednice i time omogućili uvjeti za stvaranje pozitivnog poslovnog ambijenta.

Najkonkretnije, riječ je o napuštenim rudnicima i njihovoj imovini koja se ne koristi, a nalaze se na području grada.

Takav pristup bi olakšao širenje proizvodnih kapaciteta kompanijama koje su spremne povećati broj zaposlenih, ali omogućiti i novim investitorima pokretanje proizvodnje sa tendencijom kreiranja novih radnih mjesta.

Drugi dio susreta u zgradi Gradske uprave je bio sastanak stručnjaka za lokalni ekonomski razvoj Tuzla HUB-a, na kojem su pored predstavnika USAID-a učestvovali i predstavnici općina i gradova Gračanica, Gradačac, Srebrenik, Živinice, Doboje, Tešanj, Tuzla i Lukavac.

Inicijativa zajedničkog ekonomskog razvoja i otvaranja novih radnih mjesta koju su predložili predstavnici Gradske uprave Tuzla naišla je na punu podršku svih prisutnih uz konstataciju da je projekat unapređenja lokalnog razvoja od ključnog interesa svih u BiH, a da se putem Saveza općina i gradova FBiH nastavi i djelovati u tom pravcu.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.facso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

NAJAVA 12. SASTANKA AQUASAN MREŽE U BIH – JAHORINA, 25.3.2015

Aquasan mreža BiH od 2010. godine kontinuirano okuplja stručnjake iz sektora voda i zaštite okoliša u Bosni i Hercegovini, koji na zajedničkim sastancima i radionicama razmjenjuju svoja iskustva i unaprjeđuju svoja znanja, a čiji rad, od formalnog registriranja udruženja 2014. godine, podržava Ambasada Švicarske u Bosni i Hercegovini.

Povodom Svjetskog dana voda, čiji je ovogodišnji moto „Voda i održivi razvoj“, Udruženje za oblast voda i zaštite okoliša „Aquasan mreža u BiH“ u saradnji sa Udruženjem za zaštitu i unaprjeđenje čovjekove okoline "Una-Sana" organizira zajednički sastanak na temu: „Trenutne aktivnosti na unaprjeđenju oblasti vodosnabdijevanja i odvodnje i prečišćavanja otpadnih voda u BiH“, u okviru kojeg će biti predstavljene sljedeće tematske cjeline:

- Uspostava regulatornog tijela u postupku utvrđivanja cijene usluga vodosnabdijevanja i odvodnje i prečišćavanja otpadnih voda u BiH,
- Donošenje metodologije za formiranje cijene usluge snabdijevanja pitkom vodom i odvodnje i prečišćavanja otpadnih voda,
- Mogućnosti uspostave modela/sistema pokazatelja poslovanja vodovodnih preduzeća i određivanja referentnih tačaka (benchmarking) u Bosni i Hercegovini.

Sastanak Aquasan mreže će se održati u srijedu, 25. marta/ožujka 2015. godine, u hotelu „Termag“ na Jahorini u periodu od 9:30 do 15:00 sati.

Informacije o moćem učešću na sastanku možete dobiti putem e-maila: aquasanbih@gmail.com
 Troškovi prijevoza, smještaja i dnevnica neće biti pokriveni od strane organizatora, a dnevni red sastanka i poziv možete naći na web stranici Saveza.



Udruženje za zaštitu i
unaprjeđenje čovjekove okoline
"UNA-SANA" Bihać



UDRUŽENJE
"AQUASAN
mreža u BiH"



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA ZA MJESEC APRIL / TRAVANJ

- **06. april/travanj - Dan Grada Sarajeva** i obilježava se kao sjećanje na oslobođenja grada 1945. godine.
- **06. april/travanj - Dan Općine Breza.** To je dan oslobođenja Breze od fašista iz II. svjetskog rata 1945. godine.
- **15. april/travanj - Dan Općine Kakanj.** Radi se o prvom spominjanju imena Kakanj u pisanim izvorima. Na taj dan 1392. godine kralj Stjepan Dabiša darovao je vojvodi Hrvoju Vukčiću dva sela u okolini Kakanja. Općinsko vijeće Kakanj je 14. marta 1996. godine odlučilo da se 15. april proglasi Danom Općine Kakanj.
- **24. april/travanj - Prijem BiH u Vijeće Evrope.** Bosna i Hercegovina je 24. aprila/travnja 2002. godine kao punopravna članica primljena u Vijeće Evrope, čime je postala 44. članica tog tijela.
- **28. april/travanj - Dan Općine Vitez.** Ovaj datum se obilježava kao dan Općine jer je tog dana 1952. godine Narodna skupština NRBiH donijela Zakon kojim je formirana Općina Vitez.



Sarajevo



Kakanj



Breza



Vitez